

Adroddiad i	Y Panel Gweithredol	
Dyddiad	18 Mawrth 2024	
Swyddog Arweiniol	Stewart Forshaw, Dirprwy Brif Swyddog Tân	
Swyddog Cyswllt	Anthony Jones – Pennaeth Cynllunio, Perfformiad a Thrawsnewid	
Pwnc	Cynllun Rheoli Risg Cymunedol 2024-29 a Chynllun Gweithredu Rheoli Risg Cymunedol 2024-25	

PWRPAS YR ADRODDIAD

- 1 Bydd yr adroddiad hwn yn cyflwyno i Aelodau Awdurdod Tân ac Achub Gogledd Cymru (yr Awdurdod);
 - i) y Cynllun Rheoli Risg Cymunedol ar gyfer y cyfnod o bum mlynedd 2024 i 2029;
 - ii) y Cynllun Gweithredu Rheoli Risg Cymunedol ar gyfer 2024-25; a
 - iii) cheisio cymeradwyaeth i ymgynghori â'r cyhoedd ar ein cynlluniau pum mlynedd a blwyddyn arfaethedig.

CRYNODEB GWEITHREDOL

- 2 O dan Fframwaith Cenedlaethol Tân ac Achub Llywodraeth Cymru 2016, un o'r prif amcanion ar gyfer Gwasanaethau Tân ac Achub yng Nghymru yw mynd ati'n barhaus ac mewn modd cynaliadwy i leihau risg a gwella diogelwch dinasyddion a chymunedau.
- 3 Yn unol â gofynion Mesur Llywodraeth Leol (Cymru) 2009, rhaid i'r Awdurdod wneud trefniadau ar gyfer gwelliant parhaus wrth arfer ei swyddogaethau, drwy osod amcanion gwella i'w hunan ym mhob blwyddyn ariannol yn erbyn o leiaf un o saith swyddogaeth. Mae'n rhaid ymgynghori â'r cyhoedd ynghylch yr amcanion hyn.
- 4 Mae'n ofyniad statudol o dan Ddeddf Llesiant Cenedlaethau'r Dyfodol (Cymru) 2015 i Gyrrff Cyhoeddus gyhoeddi amcanion llesiant blynyddol ac adrodd yn flynyddol ar eu cynnydd tuag at gyflawni eu hamcanion llesiant.
- 5 Mae'r Awdurdod eisoes wedi amlinellu ei amcanion gwella a llesiant yng Nghynllun Corfforaethol 2021-24. Mae hwn bellach wedi dod i ben ac adroddir arno yn yr Asesiad Perfformiad Blynyddol yn ddiweddarach eleni.

- 6 Yn lle cynllun corfforaethol newydd, mae Cynllun Rheoli Risg Cymunedol wedi'i ddatblygu. Nod y Cynllun Rheoli Risg Cymunedol yw nodi risgiau sy'n wynebu'r gymuned a disgrifio sut y bydd yr Awdurdod yn rheoli'r risgiau hynny, ac yn parhau i atal ac ymateb i danau ac argyfyngau eraill. Ysgrifennwyd yr amcanion i ystyried gofynion y ddau ddarn o ddeddfwriaeth y cyfeiriwyd atynt uchod.

ARGYMHELLIAD

- 7 Argymhellir bod yr Aelodau yn:
- i) **Nodi cynnwys yr adroddiad; ac yn**
 - ii) **Cymeradwyo'r Cynllun Rheoli Risg Cymunedol drafft 2024-29 a Chynllun Gweithredu Rheoli Risg Cymunedol 2024-25 ar gyfer ymgynghori ag Aelodau'r Awdurdod, staff, rhanddeiliaid perthnasol a'r cyhoedd cyn eu cymeradwyo mewn cyfarfod llawn o'r Awdurdod ym mis Gorffennaf 2024.**

CEFNDIR

- 8 Wrth ddiffinio cwmpas y Cynllun Rheoli Risg Cymunedol, rydym wedi ymgynghori â'n staff ar bob lefel o'n sefydliad gan ddefnyddio amrywiaeth o ddulliau ymgynghori, gan gynnwys ein Harolwg Teulu Tân, yr ymgynghoriad ar yr Adolygiad o'r Ddarpariaeth Frys, Tîm Arweinyddol y Gwasanaeth a gweithdai Rheolwyr Canol. Rydym hefyd wedi ymgynghori â chyrrff cynrychioliadol.
- 9 Yn seiliedig ar yr ymgynghoriad hwn, rydym wedi datblygu pum egwyddor, a fydd yn cynorthwyo'r Awdurdod i liniaru'r risgiau i'n cymunedau ac yn helpu i ganolbwyntio ar wella o fewn ein Gwasanaeth dros y pum mlynedd nesaf.
- 10 Yn unol â datblygiad Fframwaith Strategol Cynllunio Rheoli Risg Cymunedol Cyngor Cenedlaethol y Penaethiaid Tân ac i adlewyrchu risg gymunedol, mae'r hyn yr ydym wedi cyfeirio atynt yn flaenorol fel amcanion corfforaethol wedi cael eu disodli gan set o bum egwyddor. Trwy'r egwyddorion hyn, bydd yr Awdurdod yn parhau i gyflawni ei rwymedigaethau statudol o dan y Deddfau uchod a Fframwaith Cenedlaethol Tân ac Achub Llywodraeth Cymru 2016.
- 11 Bydd yr amcanion a gynhwysir yng Nghynllun Gweithredu Rheoli Risg Cymunedol 2024-25, ynghyd ag amcanion blynyddol dilynol, yn cefnogi cyflawni'r Cynllun Rheoli Risg Cymunedol pum mlynedd.

GWYBODAETH

- 12 Bydd ymgynghoriad yn cael ei gynnal ar lwyfan 'Eich Llais' a bydd yn cael ei gynnal rhwng 25 Mawrth ac 16 Mehefin 2024.
- 13 Bydd yn cael ei gefnogi gan gyfathrebu mewnol ac allanol gan gynnwys defnydd o'r cyfryngau cymdeithasol.
- 14 Y bwriad yw y bydd Cynllun Rheoli Risg Cymunedol drafft 2024-29 a Chynllun Gweithredu Rheoli Risg Cymunedol 2024-25 yn dilyn proses ymgynghori fewnol ac allanol y Gwasanaeth ac yn cynnwys Aelodau'r Awdurdod, y cyhoedd, staff a rhanddeiliaid perthnasol eraill i roi adborth, cyn ei gyhoeddi yn dilyn cyfarfod llawn o'r Awdurdod ym mis Gorffennaf 2024.
- 15 Bydd fersiynau Cymraeg a Saesneg ar gael yn ogystal â fformat hygyrch, hawdd ei ddeall.
- 16 Paratowyd Asesiad o'r Effaith ar Gydraddoldeb a'r Effaith Economaidd-Gymdeithasol a chânt eu cyhoeddi ochr yn ochr â'r dogfennau ymgynghori.
- 17 Unwaith y bydd yr ymgynghoriad wedi dod i ben, bydd yr adborth yn cael ei asesu a'r newidiadau angenrheidiol yn cael eu gwneud i Gynllun Rheoli Risg Cymunedol 2024-29 a Chynllun Gweithredu Rheoli Risg Cymunedol 2024-25 cyn i ganlyniadau'r ymgynghoriad gael eu cyflwyno i'r Panel Gweithredol ar 17 Mehefin 2024, a'u dosbarthu i Aelodau'r Pwyllgor Archwilio.
- 18 Bydd y fersiwn derfynol yn cael ei chyflwyno i'r Awdurdod llawn i'w chymeradwyo a'i chyhoeddi ar 15 Gorffennaf 2024.
- 19 Ar ôl ei gyhoeddi, bydd cynnydd yn erbyn Cynllun Gweithredu Rheoli Risg Cymunedol 2024-25 yn cael ei fonitro drwy Fwrdd Perfformiad Tîm Arweinyddol y Gwasanaeth.

GOBLYGIADAU

Amcanion Llesiant	Mae'r Cynllun Rheoli Risg Cymunedol 2024-29 a Chynllun Gweithredu Rheoli Risg Cymunedol 2024-25 yn cynnwys datganiad Llesiant fel sy'n ofynnol gan y Ddeddf.
Cyllideb	Amherthnasol
Cyfreithiol	Mae'r Cynllun Rheoli Risg Cymunedol 2024-29 a Chynllun Gweithredu Rheoli Risg Cymunedol 2024-25 wedi'u paratoi yn unol â'r ddeddfwriaeth berthnasol.
Staffio	Dim
Cydraddoldeb/ Hawliau Dynol/ y Gymraeg	Paratowyd Asesiad o'r Effaith ar Gydraddoldeb a bydd yn cael ei gyhoeddi ar adeg ymgynghori a chyhoeddi.
Risgiau	Mae'r Cynllun Rheoli Risg Cymunedol yn cefnogi trefniadau rheoli risg yr Awdurdod.